

سروش

سر ۱۳۳۰

والله يهدي من يشاء الى صراط مستقيم ديني ، علمي ، ادبي ، سياسي هفته لاق مجموعة اسلاميه در
اتبعون اهدكم سبيل الرشاد

صاحب و مدير مسئول : ح . اشرف اديب

جلد ۱-۸

۲۴ مایس ۱۳۲۸

پنجشنبه

۲۰ جاذی الاخر ۱۳۳۰

عدد ۱۴-۱۹۶

ايتاليا

فاس و طرابلس

فاس احوالی کیمسه طرفدن بکله نیله مین ، تصور ایدیه مین بر شکل آلمقده در . بتون مرا کش بر بحران و هیجان عظیم ایچنده آولمقده در . آفریقای شمالی یی کندی آرالنده ماصه باشنده تقسیم ایدرکن میاویونلرجه اهالی یی قویون سوروسی کبی فرض ایدرک بلا مقاومت قصاب ییغای اوزرینه قویاقلرینی تخمین ایدنلر کندی حسابلرند آلداندیلر . مرا کش مسلمانلری اولمده دن اول کندیلرینک بر حیات اولدقلرینی اثباته قالمشیدیلر . مملکتک ایچ طرفدن آقین آقین کلن قبائل و عشایر استیلا ملینک احساسی فرانسزلره بک بهالی بر فیثانه مال اولاجقنی کوسترمک فکرنده اولدقلرینی ارانه ایتمکده درلر . فرانسزلر بر تلاش ، بر هیجان شو سیلاب حیاتک نردن کلدیکنی ، هانکی منبعدن فیض آلدیقنی تعیین ایدمیه رک شاشیرمشدرلر . آنلر ایله برابر مملکتی کندی منافع ذاتیه لری ، کندی استراحت شخصیه لری ایچون فدا ایدن زما داران امورده تیرم یورلر ، کسب استحقاق ایتمن اولدقلری جزالری کورمه دن محنته کیروداردن چکیلیمک ایسته یورلر .

مملکتی بلا مقاومت و بالکیز کندی منافع شخصیه سنی تأمین ایدرک اجانبه تسلیم ایتش اولان فاس سلطانی شمعی حدت و شدت قارشیدینده کندی سنی غائب ایدرک استعفا ایتمک ایسته یورمش . لاکن بوکانه فرانسز ، نه ده فاسلیلر راضی اولم یورلر . هرایکی طرفده مشار الیه حقنده حس نفرت واستکراه ایله متحس اولارق کندیسی ایله حسابلرینی کورمک ایتیه یورلر . فقط بوندن اول طرفین کندی آرالنده کی حسابلرینی بترمک فکرنده درلر . جریان احوال فرانسزلرک مرا کشلیلر طرفدن قطعاً بویله بر مقامته دوچار اولدقلرینه منتظر اولمده قلرینی و بنای علیه مرا کشده شومقاومته قارشى کله جک و کفایت ایدمجه ک قوته مالک بولمده قلرینی کوستریور . حالبوکه الیوم بتون فاسک همان کافه نقاطنده فرانسزلره قارشى فاسلیلر طرفدن بر هجوم عمومی اجرا ایدلمکده در و برچوق یرلرده فرانسزلر تحت محاصره ده بولمقده درلر ، حتی بر آراق فرانسز باش قومانداننک و فرانسه مرخصنک مرا کشلیلر طرفدن قتل ایدلدیکی شایعه سی انتشار ایتدی . فرانسه ده تخمین ایدلدیکنه بناء شوقیایم یاتیشدیرمق ایچون لاقل یوز بیک کشیک اوردویه احتیاج مس ایدیلیمورمش ! خلاصه مرا کشده حال و وضعیت بردن بره ، آز بر زمان ایچنده صوک درجه وخیم بر شکل آلدی ! حتی فرانسه مطبوعاتنک بر قسمی مرا کشک فرانسه نک باشنه بر بلا کسپله . جکنی ، شو مملکتک استیلاسی سینه لره محاربه نک دوامنه ، مبالغه کلیمه نک صرفه متوقف اولاجقنی تخمین ایدیلیمورلر . کیم بیلیر ، بلکه

مرا کشدن شوحال الجزایره ، تونسده سرایت ایدر و بتون آفریقای شمالی واسع بر میدان جهاد کسپلیر . فرانسزلرشو فلا کندن طولانی کیمسه یی تخطئه ایتمه ملیدرلر . ایتالیا ایله اویوشارق طرابلسی ایتالیا یه و مرا کشی کندیلرینه ویردکلیر ائناده برده شورلرک اصل صاحب و مالک لری نظر آلمه لی ایدیلر . تا اوتنه نبری عالم اسلام ایله علاقه ده بولان ، اسلامیتی علمانه و واقفانه بر صورتده تدقیق و تحقیق ایتش اولان برچوق علمایه ، مستشرقینه مالک اولان فرانسه حکومتی بر آز احتیاطکارانه طاوور ایتلیدی ؛ اجرا ایتمکده اولدیقنی آلم صایمده مسلمانلری آفریقانک دیکر قبائل وحشییه سی یرینه قویمه ملیدی ؛ فرانسه بیلیمه لیدی که عالم اسلامده - شو عالم تقدر منوم ، متدنی کوزوکیورسه ده - بر روح ، بر حیات ، بر مدنیت ، بر عنعنه تاریخیه واردر . مسلمانلر نیم وحشی دیکر اقوامه تشبیه ایدیلیمز . آنلره قارشى بر آز احتیاطکارانه طاوور اتمق لازمدر . لاکن فرانسه برچوق منورالافکار فرانسزلرک بیلیمه اخطاراتنه و تنبیهاتنه رغماً بولنلری نظر دقته آلمدی و ایشته بوکون شوخطاننک جزاسنی چکیور .

ایتالیاده کندی حسابلرینی عینی یا کلش رقلر اوزرینه یوروتدیکندن ، بونکله برابر فرانسه قدر اقتدار سیاسی ، مالی و عسکری یه ده مالک اولمده یغندن ده از یاده جزایه معروض قالمشدر . بوکون ایتالیا حکومتی کندی نی تماماً غائب ایتمشدر ، نه یابه جقنی ، نه سویله یه جکنی بیلیمه تعیین ایدمیه یور . حکومت مذکورنک آطه لری اشغالدن مقصدی آوروپا حکومتلرینی ایشه مداخله ایتدیرمک بر قونفرانس واسطه سی ایله نائل مرام اولمقدی . لاکن دیکر تصور اتنده اولدیقنی کبی بوکرده آلداندی . حکومت سائر نک اطوار و حرکاتنک ناظم حقیقی سی البته که ایتالیا دکلددر . حکومت مذکورنک قونفرانسی ایتالیانک آرزوسی وجه ایله ترتیب ایتمک ایچون بزی بویله بر قونفرانسبه اشتراک ایتیه اجبار ایتمه لری لازم کلیردی . تغییر آخر ایله متحدا بزه قارشى چیممه لری ایجاب ایدردی . اولابویله رایش دائرة امکاندن خارجدر ، نانیاً آوروپایی کندی الی ایله آتشدن ایتالیا ایچون کستانه چیقارمه یه سوق ایدمجه ک هیچ بر سبب معقول موجود دکلددر . بناء علیه قونفرانس مسئله سی بر آراق حرارتله مذاکره ایدلدیسه ده شمعی ساحه مناشه دن چیممق اوزره در ، هر یردن کیمسه نک قونفرانس طرفدارى اولمده دنه دائر تأمینات کایور ، حتی روسیه حکومتی بیلیمه قونفرانس طرفدار لغندن استسکاف ایتدیکنی رسماً اعلان ایتدی . دیملی که قونفرانس شایعه لری صرف بر تجربه بالونی اوله رق ایتالیا و ایتالیا دوستلری طرفدن صالمشدر . فقط متانت عثمانیه قارشى شوبالونده مقاومت ایدمیه رک محو اولدی .

بوایتالیا دیپلوماسیسی ، ایتالیا اوردوسنک طرابلس غریبه معروض قالمش اولدیقنی رجعت وهزیمتدن ده امدهش بر مغلوبیتدر . زیرا

ایدیور ، زیرا يك رعنا بیلور که بتون عثمانلورلر ده یکانه ارزوسی دشمنله قرده قارشی قارشی به کلمک در . بزم یکانه تعقیب ایده جکمز مسلك ، دوام وثبات در . بز دوام ایستد که دشمن کندينی فائز ایده جکدر وبالاخره حقمری تسلیمدن باشقه بر چاره اولدیغنی کندينی ده اقرار ایده جکدر .

احمد آغایف

مکاتیب

کریددن یوکسلن برانین خطاب

دار الخلافه ده سبیل الرشاد هیئت تحریریه سندن فاضل شهیر

محمد فخرالدین افندی حضر تلیینه

افندم ، هر حاله جناب حقك حفظ صمدانیسنده اولمکنز دعاسیله سلام وفیره و تحیات کثیره مزى تقدیم ایدرز . وطن ، ملت ودولتی سون ومدافعه ایدنلردن اولدیغکزی اوچ سنه دنبرو اوقومقده اولدیغمز موعظه ومقاله لریکزدن يك رعنا کلا یورز . مقاله لریکز بوراده ده اچوق تأثیر یاییور وهله بز کریدك بغری پاره پاره مسلمانلرینه دأثر سوزلریکز جمله مزه کوز یاشلری آقیتدیریور . شهدامزك امارینی ، قادینلرینی ، اولادلرینی هونکور هونکور آغلاتیور . بزم ، اسلام عسکری اجنیلر طرفدن چیقاریلدیغنی کوندن برو نلر چکدیکمزك سزیکده برینی بیلیمز سکز . کرید اعدای دین وحشیلرینك ، بزالی باغلی مسلمانلره یاقمده اولدقلری قتال جنایتلرینك برقاج تصاویری کوچ حال ایله ، بیک دورلو ، قورقوایله خفیاً آله بیلدك ، بونلری بوکره بوتون عثمانلیق ایله اسلامیتك چشم انصاف ومرحمته قوللق ایچین بر مقاله ایله رسمی کتاب مدیریت علیه سنه کوندردك وبرنسخه سنك سزه کوندریلسنی رجا ایتدك . سزه ده رجا ایدرز ، که بونك اوزرینه بر مقاله یازیکز . بوتون استانبولده کی غزته لرده یازسونلر . باشمزه کلمکه اولان فلاکتلری بوتون دینداشلریمزه بیلدیرسونلر . بزنسلسله فلاکتلری هپ دونماسزلق یوزندن چکیورز . دونماتك قدر و قیمتی بیلیمینلر کلسونلرده بزدن وطرابلس غریبلیلردن وبوکونلرده ایتالیانك دست اشغاله دوشن آطه لردن صورسونلر . بوقدر بیکلرجه مسلمانلر یانوب قاورولیورلر ، برباد و پریشان اولیورلر . اوراده کی اهل ایمان ، اهل انصاف عجا بوزواللی دین قارداشلرینك غیر مدافع آطه لرده وطرابلسده باشلرینه کلن فلاکتله نه قدر یانوب یاقیلیور . بزه بوقدر ظلملری انحق مسلمان اولدیغمزدن اوتوری چکیورز . اهل صلیب محیطی ایچنده بز . بزى سنکدر کی اولدوریورلر وسسلیرمزی چیقارتمیورلر . بوملت ، بو اهل دین و ایمان ، عجا آلمانلرک ویونانستانک غیرت ملیه لری و دو نملرینی بویوتمک ایچین ویرمکه اولدقلری اعانات جسیمه لری نظر

اولا بوقدر مصارفه مال اولمش اولان آطه لر سفری ده نتیجه سز قالیور ؛ ثانیاً ایتالیا ایچون مراجعت ایله جک دها بروسيله قالیور . بوندن ماعدا شو سفر ، ایتالیایی صوک درجه نازک ومشکل بروصیت ایچنده براقشدر . حکومت مذکور شو سفری ایله انکلتزه وفرانسه نك استرقابنی جلب ایتدی . والیوم محافل سیاسییه ده دوران ایتمکده اولان قرین الوثوق بر روایتیه بنشاء انکلتزه وفرانسه حکومتلری ایتالیا حکومتیه دیگر بیوک آطه لری اشغال ایده میه جکنه عائد بر نوطه ویرمشلردر . ذاتاً ایتالیا کندينی ده اشغال ایتمش اولدیغنی آطه لرده قلامیه جغنی يك رعنا بیلور . دیمک ایتالیا یکیدن کندي کندينی چیقلماز بر سوقاغه صوقشدر .

ایشته بونك ایچوندرکه ایتالیا رجال دولتی آرتق سرسمله مکه باشلادیلر . ایتالیا باش ناظری انکلینز غزته سی « دلی قرونیکل » محرریله اجرا ایتمش اولدیغنی بر محاوره ده دیمشکه : « عثمانیلر طرابلسک ایتالیا به الحاقی حقنه اصدار ایدمش اولان امرنامه قرالی به لزومندن فضله اهمیت ویردیلر . بزم مقصدیمز الحاقدن زیاده حاکمیت در . زیرا بز یرایلرک حقوق وامتیازاته ، عادات وقواعد ملیه لرینه وسلطانك خلافتنه رعایت ایتک فکر نده بز . . . »

بو نه دیمکدر ؟ سرسمله مه وبالحاصله دیپلوماسی سرسمله مه سی اولدیغنی ایچون شوسوزلرک معنای حقیقیسنی آکلامق بر آرزو جدر . فقط شو جمله نك اراده ایتمکده اولدیغنی احوال روحیه ایله ایکی آی اولکی احوال روحیه آرمسنده کی فرق عظیمی تعیین ایتک بکده کوچ برشی دکدر . ذاتاً ایتالیا حکومتك امرالحاقی الفا وطرابلسی شمیدی مصر حاله وضع ایده بیله جک شرائط صلحیه نك قبوله حاضر بولندیغنی ایما ایدر رومادن بر چوق حوادث ترشح ایتکده باشلادی . ایتالیا باش ناظرینك مبهم کلماتی ده بومعنای آکلاندریور . فقط محافل عثمانیه ده بویله بر فکره یاناشه بیله جک بر رجل دولت بیله تصور ایتیمورز .

دشمن بزه قارشی بتون وسائط تضییقه سنی تجربه ایتدی . بسله مکده اولدیغنی بتون امیدلرک بوشه چیقدیغنی کوردی . دول معظمه نه بزه قارشی اجرای تضییقاته ، نه ده قونفرانس عقیده یاناشدیلر . بالقانلرده صلح ومسالت اخلال ایدیله مدی . بالقان حکومت صغیره سی یالکیز قیلدیه دیلر دکل ، بزمه خوش کچمک فکر نده اولدقلرینی بیان ایتدیلر ، الیوم بیله ویانه ده آوستریا امپراطوری ایله بلغارستان قرالی آراسنده کی ملاقات مناسباتی ایله ایتالیا وروسیه علیه غایت معنیدار بر نمایش اجرا ایدلکده در . روسیه صوصدی . فرانسه وانکلتزه ده افکار عمومیه تمامیه ایتالیانک علیه چورلمشدر . آوستریا وآلمانیا ایتالیا ایچون بزى فدا ایتک ایسته میورلر . کنديسی ایچون غایت نامساعد اولان شو وضعیت عمومیه به قارشی ایتالیا حکومتی شاشیرمشدر . بر طرفدن بزه صلح تکلیف ایدیور ، دیگر طرفدن از میره عسکر چیقاراراق بزى قرده محاربه ایتکده تهدید ایدیور . فقط شو تهدیدی یاپارکن بیله کندي کندينی استهزا